

嘉興府志卷十一

嘉興府知府 伊湯安 重輯

壇廟二 祠祀附

海鹽縣

先農壇 在城南白圖

國朝雍正五年知縣王仕正奉文建立并置藉田四畝九分

浙江通志

先蠶廟 在楊橋東南乾隆五十九年奉文創建新纂

社稷壇 元社壇在縣西南今社稷壇在縣西門外西北

一里

嘉興府志

卷十一

壇廟二

一

風雲雷雨山川壇 在南門外一里甘泉鄉

厲壇 在縣治北門外一里海鹽鄉以上海鹽圖經

城隍廟 舊在縣南五十步廟碑陳文惠公八分書至元志

元末兵燬明洪武三年知縣劉朝英遷於治西南二百

五十步後傾圮永樂間知縣畢瑗重建成化中知縣李

雲宏治中知縣王璽加葺規制始備吳志嘉靖中知縣劉

桂重建海鹽仇志萬歷壬子知縣李常泰建齋閣海鹽徐志

國朝康熙十一年道士曹履泰募葺乾隆初道士朱鶴年重

建前後三殿嘉慶元年道士張應軫募脩大殿兩廊山

門四年募建後殿知縣任澤和成之

關帝廟

在縣治新橋南

以上新纂

海神廟

在東門外海塘上一名龍王廟永樂三年左通

政趙居任築海鹽塘成因立廟

吳志

天后宮

在縣西北二百五十步十字街北 又一在澉

浦南門

一在乍浦海口

新纂

旗蘇廟

在衛後

海鹽仇志

楊副使祠

在白洋河上

大清一統志

明成化中浙江按察副

使楊瑄築塘有功後陞按察使司卒民祀之海上與龍

王廟並

吳志

萬歷七年巡撫徐枋疏請重建

海鹽圖經明陳韶楊公

報功祠

記略捍海石塘之功余奔走者數年而楊公尤神應公諱瑄字廷獻江西豐城人舉景泰進士試御史

嘉興府志

卷十一

二

再疏曹石之奸謫戍嶺表茂陵卽位復公官陞浙江按察使副使巡視海道癸巳甲午風潮大作乙未丙申繼之塘大圯公篤意籌畫海鹽海塘皆公脩築踰二千三百丈工最鉅捍患最大陞按察使半載病亟語察丞倦惟築海塘法不及私載名臣傳中鹽民感公德肖公像祀之萬歷乙亥祠宇漂沒公像及侍衛自移百步外踞高曠間土人異之余自奉命綜理塘務巡海上訪公政績率有司謁公禱以默相比余督桐江公白晝見夢授以脩築之法出人意表塘既竣余據典疏請建廟賜額蒙旨名報功祠有司春秋仲祭遂于白洋河內擇高爽地負城面海創建神宇匾以勅旨永鎮洪波與海神埒云

英烈均祠

在東門外

新纂

祀嘉靖倭變殉節指揮馬呈圖

滿朝承煉徐行健李元律千百尸王繼隆薛炯宋應蘭

王相呂鳳姚岑康綬等嘉靖間知縣楊進道請建春秋

致祭

海鹽仇志

英烈祠 在東門外新纂祀嘉靖倭變殉節指揮姚宏知縣

李薦佳請建海鹽仇志

案吳志僅載英烈一祠得祀者十五人千百戶尚有姜楫楊臣于岳三人又案靖海記略薛炯作薛珙于岳係諸生非千百戶時同殉者尚有王鏗邵鼎劉大仲等附記于此

忠烈祠 在西門外祀明徐從治大清一統志明崇禎二年叛

將李九成等攻萊州巡撫都御史徐從治督戰死贈兵

部尚書賜祠曰忠烈吳志

旌忠祠 在縣治西祀明吳麟徵大清一統志資聖寺東明崇

禎十七年流賊李自成陷京師太常吳麟徵殉節自縊

贈兵部右侍郎特祠額曰旌忠吳志

嘉興府志

卷十一

壇廟二

三

節孝祠 在安仁橋南賓圖雍正四年知縣王任正奉文

建浙江通志

公祠 在白洋河上楊公祠旁祀僉事陳詒郡丞黃清

縣令饒廷錫並築塘有功者大清一統志

東嶽別廟 在縣西北一百步宋大觀四年造建炎四年

關將案海鹽仇志云領敗兵入海避金兵過海鹽謁東

嶽廟關某祠見塑像卒持刀柄離地出舊塑尺許敬畏

之不敢為變而去紹熙三年縣令李直養重修至元志

真武廟 在縣東一里明景泰間僉事陳永建海鹽圖經

記浙江按察使鳳陽陳公璇具海鹽重修海塘真武廟作興之槩以書遺子愿有紀之蓋海鹽去海一里許

洪濤巨浪晝夜衝撞古有塘岸一所自致場至秦駐山北計長一十八里一名太平塘一名捍海塘專以防禦潮汐其保障軍民之功殆不止海鹽一邑而浙西諸郡縣皆賴之豈淺鮮哉永樂初塘壞有司具其事上聞遣通政使溧水趙公居任董蘇松嘉湖數郡官民脩築僅完宣德中巡撫侍郎周公忱復俾民于塘裏增立五尺仍令嘉興屬縣倩夫七百人就塘分方守候遇坍隨補歲以爲常正統九年秋風潮大作塘被衝決水溢四境傷民禾稼及羣縣倉糧知府黃懋復以請于朝命工部行浙江布按二司勘實次于本塘裏岸重築新塘計木石灰料價銀三十九萬八十餘兩奏令所屬有罪官民出銀以備塘費景泰五年夏四月憲使公乃屬僉事泰和陳公永領其事公督意籌畫用民之力取諸糧里細民不與因塘故址撤舊更新外砌大石內實瓦礫增添土功漸有就緒而右布政使南宮白公圭右參政樂安謝公輔左參議文江周公忱僉憲臨武鄺公彥譽相繼至各秉公勤勞來公役曲盡恩意指置有條人爭効力故不勞而績用聿成其費十省其九塘之度廣十有三丈高一丈八尺視昔之堅固益百倍矣眞足以障怒濤而捍強波歷世湮遠而無壞先是興工之夕僉憲陳公

夢一室塑眞武像于是訪諸父老云塘故有眞武祠久廢無克舉者公相地掄材創眞武廟若干楹廟右遷龍王祠並之周繚石垣繪像有赫廟宇煥然復擇羽流以崇祠祀經始于景泰甲戌落成于乙亥春二月也又手藍田廟重脩眞武廟一所官無廢而民不擾期神默相佑祐斯塘而福利浙西庸有紀極哉予惟凡賢智之士爲其民捍災興利之作不患其難成惟患其易壞繼之者無其人則已成之功其有不至於隳廢者幾希此憲使公欲紀斯塘興作之詳以示諸後也繼自今凡爲藩臬爲郡縣者臨蒞茲土能用心以克成斯塘不負朝廷惓惓爲民之心與僉憲陳公勤其事之心憲使公紀其事以示後之心則浙西一方豈有遺利之憾焉若夫相是役而存心不懈者則指揮徐鑑劉清經歷姚澣鎮撫張翺夏宗陰陽正術姜雍典史李貴其人併書之以告後之人云嘉靖十四年焦僉事改建於丁亥塘南

文昌祠

舊在縣學大成殿西宏治元年知縣譚秀重建

嘉靖壬寅舉人王文祿別建城隍廟左

以上海鹽仇志王文祿紫府

瀛陽記皇明經濟錄文昌星名或云梓潼張亞子也其先越裔人因報母讐徙劍州七曲山仕晉戰沒人為立廟唐元宗西狩追封左丞僖宗入蜀封濟順王宋咸平中改封英顯又案文昌六星在北斗魁前為天之六府道家謂上帝命梓潼掌文昌府事及人間祿籍故元加號為輔元開化文昌司祿宏仁帝君而天下學校亦多立祠以祀之景泰五年勅賜文昌宮額

金山顯忠別廟

一名博陸侯祠

在縣東一里漢大將軍霍光祠

封忠烈順濟昭應公宋宣和間

案在六年創建紹熙甲寅縣

令李直養脩

至元志

陳山龍君行祠

在縣西南一里福業院乃歲旱禱雨之

所始於宋縣令李直養建迨元至元縣尹顧泳重修今

歲久摧圯而碑碣猶存

海鹽圖經顧泳記海鹽為秀之屬邑去縣東北三十六里陳

山龍祠在焉實白龍興雨之所今縣南福業寺巋然獨存於廊之右者龍君行祠也余奉皇太子令旨勅試茲邑壬午之六月旱魃為虐農民相視待斃十月朔亟走陳山禱曰今日非特農民無一飽望朝廷公租苗額七萬五千有奇尤令責也言甫出雲陣蔽天大雨沛然而下越一日雲漢昭回人心皇皇如昨遂帥官僚士友暨僧道耆老復禱於行宮蓋數日又詣陳山請於龍湫得顯跡以歸安奉余曩得馮真人正印就私廨又作法撒雷霆以佐其神果雨民大悅既沾既足歲乃大熟矣未五月尤早余詣行宮如前禱不解益虔大雨二日農民餘望未治再禱復撒雷次夜雨若傾民望始慰余唯行宮初始邑令李公直養垂百年祠宇隘地因捐俸鼎新之明樓雲聳軒翼迴如喜雨名七月十九日辛未立木二坊東以起潛名西以喜雨名七月十九日辛未立木之問日光赫奕後忽晦陰大雨若期而至二十二日甲戌亭午遣工為龍君施塗繪不俄頃雷電以風大龍君見繼而小龍又見儼然父子之在其上及上昇即雨水盈尺時邑人沈煜耆老孫時懋道士葉師純等萬目共覩莫不悚怖余之事龍君甚至而龍君之報余亦不薄矣謹識歲月為之記以永其傳元至元二十年仲秋吉

敕海廟 在東門外海塘上相傳明洪武中建中供紫楠

大士像最著靈異

海鹽仇志

國朝康熙二年海鹽遊擊陳一安倡修雍正間知縣王仕正

重修廟有鐵鑄地藏王像重七百觔有宴思堂

新纂

國朝

馬紹曾

有記

橫山廟 在縣西南五十里宋紹熙五年建淳祐間浙西

蝗旱蘇秀尤甚華亭宰吳及禱于橫山之神天即大雨

蝗亦避境至秋大稔

海鹽仇志

元大德間里人創周宣靈王

祠于廟右明正德丁卯間崔玉等重修

董序有記

國朝乾隆十六年里人崔學洪等倡捐重修

新纂

國朝

嘉興府志

卷十一

壇廟二

六

有周宣靈王廟不知昉于何代西安縣志神杭之新城人姓周名雄字仲偉謹事後母母病劇敬禱于婆之五王廟比歸及衢母計間一勳殞舟中直立不仆衢人異之即奉肉身歛布固漆建廟祀焉有方回廟記云神生宋淳熙十五年卒嘉定四年至端平二年饒州上言神靈異始封翊應將軍淳祐四年封翊應侯寶祐二年賜額輔德七年加正烈十年加廣靈其進封為宣靈王則始于元至正中伯顏忽都守衢之日後遂徧祀于浙東西

復新文武二帝殿廟值獅子峯之東故一名獅庵

橫山

記畧

壇墩廟 在縣西北二十里宋景定二年建始建在鄔家

堰遺址尙存明永樂五年修

海鹽圖經

萬歷元年里人周天

袍捨宅移建山門大殿改名壇墩

國朝順治十八年天袍孫華宇復捨建後殿講堂

新纂

國朝吳始

泰有記

慕容廟 在縣西南三十里德政鄉虎墩村祀土穀神名

義不詳所始嘉靖中里人呂昂捨田重建相傳有官家

欲以廟基營葬地夜夢金甲神執笏擊其身未幾死人

至今敬畏之

海鹽圖經

太公呂望廟

一名昭烈武成王祠

在縣東一百五十步吳地志云

太公避紂居東海之濱後徙渭濱封於齊歸葬於汲百

姓懷之爲立廟

至元志

後淪於海鄉民立於甘泉鄉在縣

西南一十五里

海鹽仇志

後又徙德政鄉俗名三官堂

新纂沈

友儒記略昭烈武成王唐貞元中封師尚父姜太公號也武原志太公避紂隱於海濱鄉民懷之立祠治東後

嘉興府志

卷十一

壇廟二

七

淪於海宋宣和六年遷于縣治西南甘泉鄉明嘉靖五年改遷于東南德政鄉三官堂內濟南守鍾梁爲之記嘉靖二十九年劉炳募脩萬歷三年祠圯住持爲之鼎新祠後爲玉皇殿三官殿壯麗稱是云

尚胥廟

在縣西北一十里尚胥橋之北祀伍子胥及其

兄尚

明一統志皆爲立祠今祠與橋名皆及其兄尚其詳莫考

案

嘉禾志考證伍子胥入吳至此越絕書云耕於吳之南

鄙或卽此地吳人以子胥不忘父讐爲孝不寒兄盟爲

友盡謀於吳爲忠傷其死之酷烈故并其兄尚祠焉宋

初封清忠英烈威惠獻王宋德祐元年徐林爲之記元

大德三年加封忠孝威惠顯聖王廟故有田歲久侵鬻

廟亦傾圯景泰中太學生張彝重建

海鹽仇志張寧記略胥山海鹽開

自古今徘徊山日落蕭瑟海雲深咫尺蓬萊近仙人何處尋朱煥詩立馬夕陽開山風拂面來秦皇渺何處遺廟伴蒿萊覆轍千秋戒雄心萬古灰薄雲歸遠岫憑弔獨徘徊

蕭相國祠

在歟城

海鹽續圖經

國朝彭孫貽詩相

誰識故功曹谷水溪橋鎖歟城秋浪高邱陵入懷古登覽更蕭騷

太尉廟

俗呼太

在縣西北二里不詳所始相傳祀皇甫

嵩

吳志明錢薇記海鹽城北二里許有太尉廟俗訛

尉太尉安定朝那人也靈帝時舉孝廉茂才拜議郎張角黃巾賊起荆揚八州騷應吾鹽揚州屬也太尉用薦

拜右中郎將與上虞朱儁討角則吾鹽亦太尉經略地也則吾鹽荷儁治亦太尉讓功所致也太尉生有功千

年豐否則災異迭見故係土民思今楊龍金誠等不由督責捐金構宇廟貌一新予祖墓在太尉廟東嘗因土

嘉興府志

卷十一

壇廟二

八

人言進謁禮拜英風灝氣猶使人低徊不忍去邑人姚禎朱瑾嘗刻文紀太尉子因廣究其說以告來者徐咸踏青至太子廟詩散步出西郭乘風支瘦藤逢人頻問路扣寺欲尋僧花落紅雨亂麥搖碧浪層歸來日將暝渡口已漁燈

吳王廟

相傳孫仲謀行宮

海鹽續圖經明金麗兼詩

野店旁壁上宮娥惟粉黛簾前羽衛只風霜苔封古碣青千市鳥殿開門白一行劍閣已憐祠後主江東猶自憶孫郎

步公廟

在縣南楊橋下元大德三年建祀吳令步騭萬

歷四十六年修俗呼步總管廟

海鹽圖經明陳昌期

晉大夫楊食采于步步米邑也而以爲姓春秋時有步叔師事仲尼秦漢之世有爲將軍封淮陰侯世爲淮陰人侯少避亂江東與廣陵衛旌相善俱種瓜自給焦征羌者豪于郡侯與旌求食其地修刺奉瓜以獻羌坐二

人於曠外享大家殺膳重杳爲侯作食唯茱茹而已旌不能食侯極飯之飽旌怒侯曰何忍此侯曰吾等貧賤是宜以貧賤遇之會孫權辟書記尋除海鹽長還辟車騎將軍東曹掾建安時出領鄱陽太守尋代陸遜爲丞相居處手不釋卷如儒者後鎮西陵十年卒海鹽舊有祠未碑其時相傳某甲子年旱乞靈于侯有羣鶴乘雲盤于祠上雲結而雨拔災衛民合於祀法邑人陳普信鳩工立石以垂不朽

黃道廟 一在縣西南三十五里鷓鴣湖上一在澈浦城

南長檣山下宋建炎三年建海鹽仇志邑人董穀記

泉潭泊舟處有水軍寨外捍大海廟在山之腰舊勅曰顯應神曰楊太尉尤靈異後龍眼潭塞廟之顯于昔者亦鞠爲茂草二百餘年矣歲壬子島夷剽掠黃巖浙西告警癸丑遂犯金山侵及海鹽舟師守澈集於山外兵有登山伐廟前柏爲舵符者神憑之曰汝敢伐吾柏耶祀吾當宥汝乃謀勅新厥祠俄而潮衝沙磧龍眼潭仍洋洋深入戰艦復集祠下風濤不驚自是寇初在石帆經數四終不爲害其靈貺之著顯蓋如此也

嘉興府志

卷十一

壇廟二

九

村因陷於海僧若忠遷之山寶慶三年廟額顯應侯中

有神曰楊太尉客舟渡海必禱之澈水嘉靖癸丑參將

盧鏗復建海鹽續圖經

張王廟 在縣西南四十五里橫山下海鹽圖經宋紹熙五年

建明成化三年重修前殿祀土穀神後殿祀祠山廣惠

王橫山紀略案明太祖定南京十廟一曰祠山廣惠

常寺志神之發身顯跡略見於寰宇記能改齋漫錄及夢梁錄武林遺事諸書惟宋訥碑記明一統志載之稍詳訥之記曰神爲龍陽人姓張名渤發跡於吳興宅靈于廣德西漢以來蓋已有之或謂卽張湯之子安世而顏真卿所記則在于新室建武之間以時考之不無牴牾至于錫封加號則始于唐之天寶益于宋之咸淳旱潦疵癘禱之必應民懷信慕時走犧牲告處祠下陰功所至鴻化以熙一統志云神生西漢末遊莒雪之問久

之欲自長興之荆溪鑿河至廣德以通舟楫工役將半遂遷于橫山故人立祠祀之夫人李氏亦有廟在州東二十里名昭妃廟其神最靈至神之先世或以爲御史大夫湯之後或以爲其父名秉或以爲西漢或以爲東漢見於雷青日札羣碎錄究亦莫能定也其他述王事者尤衆至顯靈助化之蹟則夷堅志癸辛雜識齊東野語等書紀之彌夥惜乎詹仁澤所纂山家世編其目見於文獻通考而書卒罕傳今撫聞見所及識其大略庶幾祀神者知所自焉

蘇驃騎廟 在縣西一百三十步梁大同間碑神名舉字

子羽晉驃騎將軍封烏程侯卒葬金牛山北劉宋高祖

常夢其神因贈平南大將軍明帝加使持節都督征北

大將軍至元志案海鹽仇志廟廢碑亦不存今海寧

吳越王廟 在澉浦鎮西南三里澉墅村宋崇寧間建祀

嘉興府志 卷十一 壇廟二 十

吳越國王錢鏐海鹽圖經國朝吳熙詩社鼓蓼蓼

開日記得婆畱人姓錢

黃郎中廟 宋志縣衙前相傳爲古賢令生祠海鹽圖經宋元

祐間縣尹何公執中重建紹興二十八年林仰修紹熙

五年李直養重修至元志宋何執中記黃公不知何

舊老傳云公爲縣有善政入民民不解于心相與尸祝者又不知幾何年今廟且頽圯民復奉主環注請令新之余惟人莫親子祖先然親盡則毀茲黃公以前朝一令世何遠也世遠則政隔澤無及也世與澤兩不可知則心所不屬也而民猶戀戀若不解然者是豈人情哉我知其以前令勸後令耳以爲彼善爲民民亦不忘雖千百世不改則今之爲牧者曷不盡若黃公使後世不忘若今日之不忘黃公也余亦勉承民志重新厥祠以副其不忘黃公者余豈敢望民不忘如黃公也哉案姚桐壽樂郊私語州衙前有黃郎中廟相傳前代賢令

考之舊志惟紹興間有黃昱乾道間有黃綸然廟
爲何執中重建則何又先於二黃竟不知爲誰

魯公祠 在縣南思魯橋之左慈會寺之右北向祀宋令

魯公宗道

海鹽圖經

案吳志云明高弼志過海鹽二賢祠詩思魯橋邊月較
明二賢祠下水偏清如何水月無情物也重當年邑宰
名則黃魯嘗合爲一祠矣考元末明初祠嘗併入黃郎
中廟亦名二賢祠後又併入慈會寺遂廢至萬歷中郡
守車大任復爲重建

陳文惠公祠

在金粟寺左公諱堯佐號希元四川閬州

人相宋仁宗五世孫公輔從高宗南渡卜居茶院遂建

公祠

海鹽續圖經

岳忠武王廟

在澉浦所公廨左明嘉靖中以倭亂建大

嘉興府志

卷十一

壇廟二

十一

清一統志 癸丑以後倭夷寇城下官兵悉力捍禦默禱于王

忽見神兵數萬約長丈餘金戈鐵馬出入雲端自是我

師屢捷申請建精忠祠以答神貺

續澉水志

顯忠祠

在縣治西祀禮科贈太常寺少卿錢薇

吳志

吳大司寇祠

在西門廣福橋祀明刑部尙書吳中偉

澉水

遺聞

平湖縣

先農壇 在東郊二十一都已字圩雍正五年知縣楊克

慧奉文建立并置藉田四畝九分

浙江通志

先蠶廟

在西關外西林寺中乾隆五十九年奉文創建

新纂

社稷壇 在西關外西林寺東南

平湖朱志

風雲雷雨山川壇 舊在縣南半里

柳志

案

嘉靖間知

縣顧廷對遷南門外教場東北

平湖程志

邑厲壇 在西門外西林寺西

平湖程志

城隍廟 在縣治東一百五十步宣德五年知縣王簡建

由西偏旁出成化十六年知縣李智以所起藏錢買地

廣三丈許直南爲神路重建堂廡門額

柳志

嘉靖間知縣

顧廷對建軒棚三楹萬歷二十一年知縣黃炤重修

平湖

朱志

嘉興府志

卷十一

壇廟二

三

國朝乾隆五十三年知縣王恒重修

平湖王志

一在乍浦東門內

平湖張志

一在全公亭鎗塘橋北嘉慶三年大使周澄創建

新纂

知縣李賡芸記蘆灘場治平湖縣境官舍面海

大門之左有城隍神像左爲峨嵋周君謁選來蒞展謁

之初詢於父老僉云官舍在廟基初建年代不可考君

聞言蹙然不寧未幾大病恍惚若有神佑病良已乃移

建廟于鎗塘橋首捐俸贖地二畝有奇里人上舍陸貴

章盛鳳鳴等各捐貲贊成之凡大門三楹正殿三楹有

後廡有前廊隙地植榆柳竹栢經始於嘉慶二年十月

落成于三年十有二月而屬于記之周君尊甫按察公

與先君子同中乾隆壬戌科進士又同出于涪州周文

恭公卜居今將一甲子而于與君同官于此以公事

常得相接知浙西各場唯君政爲最卽此移建城隍廟

亦其一端夫有城隍而後有城隍神今場無城隍而有

其神名實殆不副或疑君不當建廟移祀雖然城隍神

非遙祀比傳曰有其舉之莫敢廢也又曰敬鬼神而遠

之周君之爲台乎

傳所云矣因記之

土地祠

在縣治內

平湖朱志

歲春秋仲上丁後一日致祭

平湖

王志

關帝廟

在慶源橋西明崇禎十三年建

平湖朱志

知

為邑主廟後有文幟閣

國朝雍正十三年知縣邵煜改文幟閣建三公祠

平湖高志

乾隆

六年大門火燬知縣高國楹重修十三年知縣閻公銑

重建大門二門大殿前軒

知縣閻公銑記關廟崇祀一

義大節光史冊而震天壤者含生負氣之衆罔不樂為稱道赫赫若前日事而其神之英靈於燦叩之如響斯應者尤稗乘不勝載此均無俟余之辭費唯是歷代崇封命祀典禮有加訖未有定制逮我朝屢降殊錫封祀先代蔭爵後裔詔天下郡縣咸立廟三時命官致祭薦以太牢禮與文廟埒夫崇其神者既至而棲

嘉興府志

卷十一

壇廟二

七

其神者或不克整以肅則有司者之過也往余宰五雲宰嘉禾俱於關廟加修葺丁卯春攝篆當湖下車來謁眎廟址圯于地苦偪仄陳牲設帛近在階城官屬瞻拜咸列庭中間遇風雨之辰幸難成禮竊謂宜覆以軒楹翼之兩廡秋七月奉檄移治遂與同列諸君捐俸為勸邑人士亦相率出私錢為助爰諏戊辰之三月上浣經始於六月望前落成噲噲噦噦美哉矣焉執事駿奔有嚴有翼邑人上請記以鏤諸石余謂是固自有司者責耳記何有焉繼念廟自前明崇禎十四年進士尚寶卿馬君鳴寔捐基高州別駕陸君啟濬創建歷年逾百未嘗有文之者茲以同事之相與有成俾夫入廟從事不愆于儀誠有光國典即董是役者亦不容其勞輒書以付之迺余更慮廟既整以肅倘不率教者習焉固擾終非所以妥神也並泐條禁于石且以告後之君子幸加意焉

三十四年刑部員外屈樹榮重建三公祠四十九年僧際元募建行宮上建文昌閣五十二年縣王恒重修

重修

平湖王志

節孝祠 在縣西西司坊

東太平橋

雍正四年知縣楊克慧建

乾隆四十年知縣劉雁題重建

劉雁題記

五十四年知縣王

恒重修

王恒記

歲春秋上丁後一日致祭

陳山顯濟廟

宋大觀三年建舊圖經以神爲天帝典雨

曹政和間縣人郭益三爲中司以祈禱感應奏請封爵

崇寧三年詔以顯濟名其廟宣和五年封龍君爲淵靈

侯紹熙元年六月旱暵知縣李直養因禱於龍君得小

龍以歸就縣廳設醮三日後果雨是歲大稔聞於朝進

封龍君爲廣惠淵靈侯龍母爲慶善夫人二年直養建

新龍君龍母二大殿裝龍君及龍母四龍王像置供具

嘉興府志

卷十一

壇廟二

古

繪龍于壁自廟門而下皆新之五年勅封龍君爲廣惠

淵靈威佑侯龍母爲慶善薦福夫人

正記秀州海鹽縣

宋龔頤

乍浦之陳山有靈湫居山之半水旱不涸不溢山椒有

盤陀大石歲三月十有八日吳之陽山及此山多雲霧

晦冥雷雨之變俗傳爲白龍君以是日生於陽山而歸

藏其母于是焉故有祠事甚嚴州邑旱潦致禱必先將

酒石上有物蜿蜒卽見崇寧三年部使者以聞詔以顯

濟名其廟宣和五年又以昭蘇旱虐始封龍君爲淵靈

侯紹熙元年四月不雨至於六月睢陽李直養攝邑華

亭部使者以才薦昇令事還入境漕河已斷流亟走祠

下俄見蜿蜒舉體金色見神座上直養迎挹卽循其左

臂而上至巾幘因請歸醮祠復循而上如初盆中四龍

子如粟闔邑驚異見所未見閱三日大雨霑洽溝澮畢

通苗槁而興誕寘蜿蜒及奩子于石頃之俱無所見七

月又旱申禱旋應適如其時日是歲進封龍君爲廣惠

淵靈侯龍母慶善夫人命旣下神報益彰明年三月直

養以祠宇敗撓弗稱夫上帝命與神施遂哀衆力爲建

大殿鼎新象設且列四神像于後以表四龍子之異乃

四月龍見於龍母殿自空而下其大如柱光彩奪目觀者震悸不敢仰視五月廟僧夢神人告將迎龍淮上者日計海邑之雨可支兩旬耳自是開霽復雨之日果再浹也又明年三月直養遣工繪於壁至則壁上濕不可爲也念且歸其夕夢金冠白衣神人曰令俾爾畫龍龍實難畫工曰畫非難壁濕耳應曰乾矣東作行雨自西而歸仍有珠乃成龍更語曰令他日謁雨當誦華嚴袖出經一卷顧其後四神人云此亦而令所致也工起視壁果已乾如戒而成有蜿蜒正白復見神座現視壁間久之躍而入于花壺四月郡守趙不迹以梅雨愆期親作文以禱其應立至六月直養請于郡徒興福院創廟之右以廣僧居而嚴香火直養狀如此以屬楚國龔頤正紀於麗明去侯爵稱陳山之神志廟建于宋者歲牲之石

久而圯合龍君母子爲一祠規制甚狹崇禎五年夏旱

邑人馮洪業親步禱雨有奇應復建前後二大殿頓還

舊觀九山志趙維寰記吾邑乍浦之陳山有龍湫焉歲旱禱雨必謁湫取水父老相傳謂取水而水中

嘉興府志

卷十一

壇廟二

五

有物若蜿蜒然者是爲龍降必得雨然在昔戊子赤地千里邑人亦一再行之弗驗也崇禎壬申自夏五不雨至六月間萬衆嗷嗷邑令築壇南郊屬術僧禱旱愈劇吾友馮茂遠乃簡邑乘得宋宣和紹熙故事請挹水于湫而躬肅將之五步一嗟十步一拜懸嶺八十一丈偃僂而登勿敢頓足于是及湫挹水果有神物蜿蜒水中矣初僅得一倏而五五復爲三三復爲四四復爲五迨水至壇而甘霖且濤沛爰自四郊徧乎隣壤罔不沾溉皆龍力也顧壇僧不恪妄強龍必再雨不雨且許諾而蜿蜒者遂忽化去大衆愕然無何茂遠家僮急報吾家古佛前淨水中有蜿蜒者五茂遠急歸視則盤旋雄躍神氣飛動其背參差其眸灼灼大者寸許小者半之縮則齒而粒扣則鱗而晰依然壇上物也茂遠益驚異爲虔恭肅謝而還之湫余嘗見野史所載唐明皇時僧無畏召龍致雨事甚奇未敢信不圖證之茂遠顧以郊壇之虔奉龍不屑處而獨効靈于耘廬之甌勺間不知茂遠何以得之豈孝子能起孝龍真有如姚叔祥所詠耶識之爲異日修邑乘者徵信地母令李顧二人專美于前歲三月十八日致祭平湖朱志

天后宮 在苦竹山遠汎者率于此賽禱春月士女雲萃

遺鈿墮翠或接路焉海鹽圖經神爲福建莆田人宋都巡檢

林愿之女沒爲海神屢彰靈應歷代累封至天妃

國朝康熙二十年加封天后雍正十一年載入祀典歲春秋

仲上辛日致祭平湖高志乾隆二年加封福佑羣生二十二

年加封誠感咸孚五十三年加封顯神贊順案九山志天妃像乃

海中浮來香木所塑初建廟時道士夢神告以海中有

木次日木果至春秋時天妃夜常出遊燈火輝煌雙行

引導或至龍王堂或至白馬廟戍卒漁人往往見之凡沿海處所及閩人之商于

乍者皆祀之平湖王志旗纛廟 在乍浦所東久廢平湖程志軍牙六纛之神歲霜降日

嘉興府志 卷十一 壇廟二 六

于教場致祭平湖王志

東嶽廟 係佑聖宮分基

國朝康熙元年建歲春秋仲上丁後一日致祭平湖朱志

顯忠廟 在縣治東一里當湖旁祀漢大將軍霍光閩人

英烈錢侯亦附焉案雲間志侯閩人行七嘗爲商浮海至廟下歎息願事忠臣卽叉手立化

宋與金戰有陰兵旌旗著華亭錢宋大觀四年建宣和

二年賜額顯忠祠五年封忠烈公建炎三年辛道宗領

舟師由海道護行在所奏加忠烈順濟且賜緡錢以新

廟貌四年加昭應宋魯詹記大觀庚寅冬詹廣陵秩滿臘中歸省親道經吳江寒甚一夕震

澤冰合卽抵家鄉人皆言曰昔湖中冰厚幾尺有物自東北趨西南轟然有聲冰碎如粉夕卽還如是三日乃

已此何異耶詹曰異我不得而知之第聞吳主孫皓嘗被疾時有神降于小黃門云華亭鹹塘風濤為害非人力能防占海鹽縣治一旦陷為河無大神護臣漢之功臣霍光也臣部黨有力富鎮之可免翌日疾瘳立廟小金山鄉人盡相與築宮湖上竭虔昭惠以鎮此土乎僉曰茲眾所祈嚮者即卜爽塏之地占湖山之勝乃營廟宇乃嚴神棲自是遠近翕然結社會拜者舳舻相銜也竊嘗謂生為偉人則沒為明神必有大功德于民隨其所向而追想世奉祀之如大禹之於會稽秦伯季札之於姑蘇伍子胥之於錢塘馬伏波之於南海韓文公之於湖陽是也惟忠烈公策名孝武擁昭立宣厥功懋焉是時漢都長安距吳會為遠甚又公之沒更兩漢歷三國已數百年矣乃托吳主之疾肇建金山之祠敷錫陰貺宏庇海邦此何理耶噫人心神矣乎疾徐俯仰之間再撫四海之外生兮一世之傑沒兮有不亡者存如月在天有水則現舟行月移東西南北隨所向而見之若黃石公之於仙州張漁陽之於鄼邑民猶尸祝之矧夫忠烈嚴嚴清爽凜凜發祥炳靈感應如響曾何久且遠之間耶時愈久而民之祀愈崇道愈遠而民之祀愈廣神妙莫測詎容擬議哉公之勲業青史煥然而錢氏謂之冠軍非是我宋重熙百神受職宣和二年始賜額曰顯忠後三年詔封忠烈公雖冠五等之爵尚遲顯冊之頒庶致崇極而侈神貺也丙午春詹歸自京師祇款祠下主未就緒慨嘆久之而職其事者與議弗允亟告縣大夫而易之明年冬闔郡司還朝過家上冢乃見廟宇屹然擁以虛亭翼以修廊旁列攸司各有次第高明輪奐庭殖羣飛徘徊諦觀目駭而心肅焉因哀始末書之石式告來者趙孟堅英烈錢侯記夫聰明正直謂曰神靈膺國褒封饗世血食陞祀不泯主福主災赫然炳靈人恒斯畏豈偶然哉克孝克忠為國犯難生昭直節歿助陰靈者也英烈錢侯所以身陪正祠封受顯號其以斯乎紀石傳芳示垂奕世請從具載寧厭纖委西漸諸州禾興最為邊海華亭縣小金山者又在郡東插脚滄溟峻岸截起驚濤四浮吳越備史載漢博陸侯霍公附小黃門謂吳主曰國之疆土東裔海斥使不衝盪全護漢舊輔今當為神駐小金山為禦海斥使不衝盪全護國封當為建祠于彼金山示所旌顯自時厥後封祀不絕今為忠烈王顯濟廟焉維英烈侯家閭氏錢行位居七航海而商船舶帆經從入廟致禮儼觀威爽雪浪東來一山若峙巖巖殿宇卓冠山椒地勢坤靈軒赫斯稱又